



飲水詞集卷上

長白性德著

長白性德著原名成德

錫山顧貞觀閱定

夢江南

江南好建業舊長安紫蓋忽臨雙鷁渡翠華爭擁六龍看雄麗却高寒

又

江南好城闕尚嵯峨故物陵前惟石馬遺踪陌上有銅駝玉樹夜深歌

又

江南好懷古意誰傳燕子磯頭紅蓼月烏衣巷口綠
楊烟風景憶當年

又

江南好虎阜晚秋天山水總歸詩格秀笙簫恰稱語
音圓誰在木蘭船

又

江南好真個到梁溪一幅雲林高士畫數行泉石故
人題還似夢遊非

又

江南好水是二泉清味永出山那得濁名高有錫更
誰爭何必讓中泠

又

江南好佳麗數維揚自是瓊花偏得月那應金粉不
兼香誰與話清涼

又

江南好鐵甕古南徐立馬江山千里目射蛟風雨百
靈趨北顧更躊躇

又

江南好一片妙高雲硯北峰巒米外史屏間樓閣李將軍金碧蠹斜曛

又

江南好何處異京華香散翠簾多在水綠殘紅葉勝於花無事避風沙

又

昏鴉盡小立恨因誰急雪乍翻香閣絮輕風吹到膽瓶梅心字已成灰

又

新來好唱得虎頭詞一片冷香惟有夢十分清瘦更

無詩標格早梅知

中二語梁汾彈指詞咏梅句也

江城子 詠史

濕雲全壓數峰低影淒迷望中疑非霧非烟神女欲來時若問生涯原是夢除夢裏没人知

如夢令

正是轆轤金井滿砌落花紅冷驀地一相逢心事眼波難定誰省誰省從此簾紋燈影

又

黃葉青苔歸路屨粉衣香何處消息竟沉沉今夜相思幾許秋雨秋雨一半因風吹去

又

纖月黃昏庭院語密翻教醉淺知否那人心舊恨新歡相半誰見誰見珊枕淚痕紅泫

采桑子

彤霞久絕飛瓊字人在誰邊人在誰邊今夜玉清眠不眠香消被冷殘燈滅靜數秋天靜數秋天又誤心期到下弦

又

誰翻樂府淒涼曲風也蕭蕭雨也蕭蕭瘦盡燈花又一宵不知何事縈懷抱醒也無聊醉也無聊夢也何曾到謝橋

又

嚴霜擁絮頻驚起撲面霜空斜漢朦朧冷逼氈帷火不紅香篝翠被渾閒事回首西風何處疎鐘一穗燈花似夢中

又

那能寂寞芳菲節欲話生平夜已三更一闕悲歌淚
暗零 須知秋葉春花促點鬢星星遇酒須傾莫問
千秋萬歲名

又

冷香縈遍紅橋夢夢覺城笳月上桃花雨歇春寒燕
子家 笙篴別後誰能鼓腸斷天涯暗損韶華一縷
茶烟透碧紗

又 九日

深秋絕塞誰相憶木葉蕭蕭鄉路迢迢六曲屏山和

夢遙 佳時倍惜風光別不爲登高祇覺魂銷南雁
歸時更寂寥

又 詠春雨

嫩烟分染鶯兒柳一樣風絲似整如欹纔着春寒瘦
不支 涼侵曉夢輕蟬膩約畧紅肥不惜葳蕤碾取
名香作地衣

又 塞上咏雪花

非關癖愛輕模樣冷處偏佳別有根芽不是人間富
貴花 謝娘別後誰能惜飄泊天涯寒月悲笳萬里

西風瀚海沙

又

桃花羞作無情死，感激東風吹落嬌紅。飛入閒窓伴
懊儂。誰憐辛苦東陽瘦也，爲春慵不及芙蓉一片
幽情冷處濃。

又

海天誰放冰輪滿，惆悵離情莫說。離情但值涼宵總
淚零。祇應碧落重相見，那是今生可奈。今生剛作
愁時，又憶卿。

又

明月多情應笑我，笑我如今辜負春心。獨自閒行獨
自吟。近來怕說當時事，結徧蘭襟。月淺燈深夢裏
雲歸何處尋。

又

撥鐙書盡紅箋也，依舊無聊玉漏迢迢。夢裏寒花隔
玉蕭。幾竿修竹三更雨，葉葉蕭蕭。分付秋潮莫誤
雙魚到謝橋。

又

涼生露氣湘絃潤暗滴花梢簾影誰搖燕蹴風絲上
柳條 舞餘鏡匣開頻掩檀粉慵調朝淚如潮昨夜
香衾覺夢遙

又

土花曾染湘娥黛鉛淚難消清韻誰敲不是犀椎是
鳳翹 祇應長伴端溪紫割取秋潮鸚鵡偷教方響
前頭見玉簫

又

白衣裳凭朱闌立涼月趁西點鬢霜微歲晏知君歸

不歸 殘更目斷傳書雁尺素還稀一味相思準擬
相看似舊時

又

謝家庭院殘更立燕宿雕梁月度銀墻不辨花叢那
辨香 此情已自成追憶零落鴛鴦雨歇微涼十一
年前夢一場

又

而今纔道當時錯心緒淒迷紅淚偷垂滿眼春風百
事非 情知此後來無計強說歡期一別如斯落盡

梨花月又西

臺城路

洗妝臺懷古

六宮佳麗誰曾見層臺尚臨芳渚露脚斜飛虹腰欲
斷荷葉未收殘雨添妝何處試問取雕龍雪衣分付
一鏡空濛鴛鴦拂破白蘋去相傳內家結束有帕
裝孤穩鞦韆縫女古冷艷全消蒼苔玉匣翻出十眉遺
譜人間朝暮看臙粉亭西幾堆塵土只有花鈴縮風
深夜語

又 上元

闌珊火樹魚龍舞望中寶釵樓遠鞦韆餘紅琉璃賸
碧待囑花歸緩緩寒輕漏淺正乍歛烟霏隕星如箭
舊事驚心一雙蓮影藕絲斷莫恨流年逝水恨銷
殘蝶粉韶光忒賤細語吹香暗塵籠髻都逐曉風零
亂闌干敲遍問簾底纖纖甚時重見不解相思月華
今夜滿

又 塞外七夕

白狼河北秋偏早星橋又迎河鼓清漏頻移微雲欲
濕正是金風玉露兩眉愁聚待歸踏榆花那時纔訴

只恐重逢明明相視更無語 人間別離無數向瓜果筵前碧天凝竚連理千花相思一葉畢竟隨風何處羈棲良苦算未抵空房冷香啼曙今夜天孫笑人愁似許

玉連環影

何處幾葉蕭蕭雨濕盡簷花花底人無語掩屏山玉爐寒誰見兩眉愁聚倚闌干

洛陽春

雪

密灑征鞍無數冥迷遠樹亂山重叠杳難分似五里

濛濛霧 惆悵瑣窓深處濕花輕絮當時悠颺得人憐也都是濃香助

謁金門

風絲裊水浸碧天清曉一鏡濕雲青未了雨晴春草草 夢裏輕螺誰掃簾外落花紅小獨睡起來悄悄寄愁何處好

四和香

麥浪翻晴風颭柳已過傷春候因甚爲他成僝僽畢竟是春迤逗 紅藥闌邊携素手暖語濃於酒盼到

花鋪似繡却更比春前瘦

海棠月

瓶梅

重簷淡月渾如水浸寒香一片小牕裏雙魚凍合似
曾伴個人無寐橫眸處索笑而今已矣 與誰更擁
燈前髻乍橫斜疎影疑飛墜銅瓶小注休教近麝爐
烟氣酬伊也幾點夜深清淚

金菊對芙蓉

上元

金鴨香消銀虬瀉水誰家夜笛飛聲正上林雪霽鴛
毳晶瑩魚龍舞罷香車杳賸尊前袖掩吳綾狂遊似

夢而今空記密約燒燈 追念往事難憑嘆火樹星
橋回首飄零但九達烟月依舊籠明楚天一帶驚烽
火問今宵可照江城小牕殘酒闌珊燈炮別自關情
點絳唇

一種蛾眉下弦不似初弦好庾郎未老何事傷心早
素壁斜輝竹影橫牕掃空房悄烏啼欲曉又下西
樓了

又 題見陽書蘭

別樣幽芬更無濃艷催開處凌波欲去且爲東風住

忒煞蕭疎爭奈秋如許還留取冷香半縷第一湘

江雨

又寄南海梁藥亭

一帽征塵留君不住從君去片帆何處南浦沉香雨
回首風流紫竹村邊住孤鴻語三生定許可是梁

鴻侶

又黃花城早望

五夜光寒照來積雪平於棧西風何限自起披衣看
對此茫茫不覺成長歎何時旦曉星欲散飛起平

沙雁

又

小院新涼晚來頓覺羅衫薄不成孤酌形影空酬酢
蕭寺憐君別緒應蕭索西風惡夕陽吹角一陣槐
花落

浣溪沙

消息誰傳到拒霜兩行斜鴈碧天長晚秋風景倍淒
涼銀蒜押簾人寂寂玉釵敲竹信茫茫黃花開也
近重陽

又

雨歇梧桐淚乍收
遣懷翻自憶
從頭摘花銷恨
舊風流
簾影碧桃人已去
屐痕蒼蘚徑空留
兩眉何處
月如鉤

又

欲問紅梅瘦幾分
祇看愁損翠羅裙
麝篝衾冷惜餘
熏
可耐暮寒長倚竹
便教春好不開門
枇杷花底
較書人

又

淚浥紅牋第幾行
喚人嬌鳥怕開牕
那能閒過好時光
屏障厭看金碧盡
羅衣不奈水沉香
遍翻眉譜
只尋常

又

殘雪凝輝冷畫屏
落梅橫笛已三更
更無人處月朧明
我是人間惆悵客
知君何事淚縱橫
斷腸聲裏
憶平生

又

睡起惺忪強自支
綠傾蟬鬢下簾時
夜來愁損小腰

食水詞集 卷上
肢 遠信不歸空竚望幽期細數却參差更兼何事
耐尋思

又

十里湖光載酒遊青簾低映白蘋洲西風聽徹採菱
謳 沙岸有時雙袖擁畫船何處一竿收歸來無語
晚妝樓

又

脂粉塘空遍綠苔掠泥營壘燕相催妬他飛去却飛
回 一騎近從梅里過片帆遙自藕溪來博山香燼

未全灰

又

五月江南麥已稀黃梅時節雨霏微閒看燕子教雛
飛 一水濃陰如罨畫數峰無恙又晴暉濺裙誰獨

上漁磯

又

誰道飄零不可憐舊遊時節好花天斷腸人去自今
年 一片暈紅纔着雨幾絲柔綠乍和烟倩魂銷盡
夕陽前

又 詠五更和湘真韻

微暈嬌花濕欲流
簾紋燈影一生愁
夢回疑在遠山樓
殘月暗窺金屈戍
軟風徐蕩玉簾鉤
待聽隣女喚梳頭

又

伏雨朝寒愁不勝
那能還傍杏花行
去年高摘鬪輕盈
漫惹爐烟雙袖紫
空將酒暈一衫青
人間何處問多情

又

五字詩中目乍成
儘教殘福折書生
手接裙帶那時情
別後心期和夢杳
年來憔悴與愁并
夕陽依舊小
牕明

又

欲寄愁心朔雁邊
西風濁酒慘離顏
黃花時節碧雲天
古戍烽烟迷斥堠
夕陽村落解鞍韉
不知征戰幾人還

又

記縮長條欲別難
盈盈自此隔銀灣
便無風雪也摧

殘 青雀幾時裁錦字玉蟲連夜剪春幡不禁辛苦
况相關

又

誰念西風獨自涼蕭蕭黃葉閉疎窓沉思往事立殘
陽 被酒莫驚春睡重賭書消得潑茶香當時祇道
是尋常

又

十八年來墮世間吹花嚼蕊弄冰絃多情情寄阿誰
邊 紫玉釵斜燈影背紅綿粉冷枕函偏相看好處

却無言

又

蓮漏三聲燭半條杏花微雨濕紅綃那將紅豆記無
聊 春色已看濃似酒歸期安得信如潮離魂入夜
倩誰招

又

身向雲山那畔行北風吹斷馬嘶聲深秋遠塞若爲
情 一抹晚烟荒戍壘半竿斜日舊關城古今幽恨
幾時平

又大覺寺

燕壘空梁畫壁寒
諸天花雨散幽關
篆香清梵有無間
蛺蝶乍從簾影度
櫻桃半是鳥啣殘
此時相對一忘言

又古北口

楊柳千條送馬蹄
北來征鴈舊南飛
客中誰與換春衣
終古閒情歸落照
一春幽夢逐遊絲
信回剛道別多時

又

鳳髻拋殘秋草生
高梧濕月冷無聲
當時七夕記深盟
信得羽衣傳鈿合
悔教羅襪葬傾城
人間空唱雨淋鈴

又

敗葉填溪水已冰
夕陽猶照短長亭
何年廢寺失題名
倚馬客臨碑上字
鬪鷄人撥佛前燈
淨消塵土禮金經

又庚申除夜

收取閒心冷處濃
舞裙猶憶柘枝紅
誰家刻燭待春

風竹葉樽空翻綵燕九枝燈炮鷓金蟲風流端合
倚天公

又

萬里陰山萬里沙誰將綠髻鬪霜華年來強半在天
涯魂夢不離金屈戌畫圖親展玉鴉叉生憐瘦減
一分花

又

腸斷班騅去未還繡屏深鎖鳳簫寒一春幽夢有無
間逗雨疎花濃淡改關心芳字淺深難不成風月

轉摧殘

又

容易濃香近畫屏繁枝影著半窓橫風波狹路倍憐
卿未接語言猶悵望纔通商畧已曹騰只嫌今夜
月偏明

又

拋却無端恨轉長慈雲稽首返生香妙蓮花說試推
詳但是有情皆滿願更從何處著思量篆烟殘燭
並回腸

又小兀喇

樺屋魚衣柳作城蛟龍鱗動浪花腥飛揚應逐海東
青 猶記當年軍壘跡不知何處梵鐘聲莫將興廢
話分明

又姜女祠

海色殘陽影斷霓寒濤日夜女郎祠翠鈿塵網上蛛
絲 澄海樓高空極目望夫石在且留題六王如夢
祖龍非

又

旋拂輕容寫洛神須知淺笑是深顰十分天與可憐
春 掩抑薄寒施軟障抱持纖影籍芳茵未能無意
下香塵

又

十二紅簾窳地深纔移剗襪又沉吟晚晴天氣惜輕
陰 珠玑佩囊三合字寶釵攏髻兩分心定緣何事
濕蘭襟

又紅橋懷古和王阮亭韻

無恙年年汴水流一聲水調短亭秋舊時明月照揚

會水詞集 卷上
州 曾是長隄牽錦纜綠楊清瘦至今愁玉鈎斜路
近迷樓

風流子 秋郊卽事

平原草枯矣重陽後黃葉樹騷騷記玉勒青絲落花
時節曾逢拾翠忽聽吹簫今來是燒痕殘碧盡霜影
亂紅凋秋水映空寒烟如織皂雕飛處天慘雲高
人生須行樂君知否容易兩鬢蕭蕭自與東君作別
剗地無聊算功名何許此身博得短衣射虎沽酒西
郊便向夕陽影裏倚馬揮毫

畫堂春

一生一代一雙人爭教兩處銷魂相思相望不相親
天爲誰春 漿向藍橋易乞藥成碧海難奔若容相
訪飲牛津相對忘貧

蝶戀花

辛苦最憐天上月一昔如環昔昔都成玦若似月輪
終皎潔不辭冰雪爲卿熱 無那塵緣容易絕燕子
依然軟踏簾鈎說唱罷秋墳愁未歇春叢認取雙棲

蝶

又

眼底風光留不住和暖和香又上雕鞍去欲倩烟絲
遮別路垂楊那是相思樹惆悵玉顏成間阻何事
東風不作繁華主斷帶依然留乞句班騅一繫無尋
處

又送見陽南行

城上清笳城下杵秋盡離人此際心偏苦刀尺又催
天又暮一聲吹冷蒹葭浦把酒留君君不住莫被
寒雲遮斷君行處行宿黃茅山店路夕陽村社迎神

鼓

又

準擬春來消寂寞愁雨愁風翻把春擔閣不爲傷春
情緒惡爲憐鏡裏顏非昨畢竟春光誰領畧九陌
緇塵抵死遮雲壑若得尋春終遂約不成長負東君
諾

又

又到綠楊曾折處不語垂鞭踏遍清秋路衰草連天
無意緒鴈聲遠向蕭關去不恨天涯行役苦只恨

西風吹夢成今古明日客程還幾許
露衣況是新寒雨

又

蕭瑟蘭成看老去爲怕多情不作憐花句
閣淚倚花愁不語暗香飄盡知何處
重到舊時明月路袖口香寒心比秋蓮苦
休說生生花裏住惜花人去花無

主

又

露下庭柯蟬響歇紗碧如烟烟裏玲瓏月
並著香肩

無可說櫻桃暗解丁香結
笑捲輕衫魚子纈試撲流螢驚起雙棲蝶
瘦斷玉腰沾粉葉人生那不相思絕

又 出塞

今古河山無定據畫角聲中牧馬頻來去
滿目荒涼誰可語西風吹老丹楓樹
從前幽怨應無數鐵馬金戈青塚黃昏路
一往情深深幾許深山夕照深秋

雨

又

飲水詞集 卷上
盡日驚風吹木葉極目嗟峨一丈天山雪去去丁零
愁不絕那堪客裏還傷別 若道客愁容易輟除是
朱顏不共春銷歇一紙鄉書和淚摺紅閨此夜團圓
月

河傳

春淺紅怨掩雙環微雨花間晝閒無言暗將紅淚彈
闌珊香銷輕夢還 斜倚畫屏思往事皆不是空作
相思字記當時垂柳絲花枝滿庭胡蝶兒

河瀆神

涼月轉雕闌蕭蕭木葉聲乾銀燈飄落瓊窓閒枕屏
幾疊秋山 朔風吹透青縑被藥爐火煖初沸清漏
沉沉無寐爲伊判得憔悴

又

風緊鴈行高無邊落木蕭蕭楚天魂夢與香消青山
暮暮朝朝 斷續涼雲來一縷飄墮幾絲靈雨今夜
冷紅浦淑鴛鴦棲向何處

落花時

夕陽誰喚下樓梯一握香蕙回頭忍笑堦前立總無

語也依依 箋書直恁無憑據休說相思勸伊好向
紅牕醉須莫及落花時

飲水詞集卷中

長白性德著

原名成德

錫山顧貞觀閱定

金縷曲

贈梁汾

德也狂生耳偶然間緇塵京國烏衣門第有酒惟澆
趙州土誰會成生此意不信道遂成知己青眼高歌
俱未老向樽前拭盡英雄淚君不見月如水 共君
此夜須沉醉且由他蛾眉謠詠古今同忌身世悠悠
何足問冷笑置之而已尋思起從頭翻悔一日心期
千劫在後身緣恐結他生裏然諾重君須記

又 姜西溟言別賦此贈之

誰復留君住歎人生幾番離合便成遲暮最憶西牕
同剪燭却話家山夜雨不道只暫時相聚袞袞長江
蕭蕭木送遙天白鴈哀鳴去黃葉下秋如許 日歸
因甚添愁緒料強似冷烟寒月棲遲梵宇一事傷心
君落魄兩鬢飄蕭未遇有解憶長安兒女裘敝入門
空太息信古來才命真相負身世恨共誰語

又 簡梁汾

灑盡無端淚莫因他瓊樓寂寞誤來人世信道癡兒

多厚福誰遣偏生明慧莫更著浮名相累仕宦何妨
如斷梗只那將聲影供羣吠天欲問且休矣 情深
我自判憔悴轉丁寧香憐易熱玉憐輕碎羨殺輓紅
塵裏客一味醉生夢死歌與哭任猜何意絕塞生還
吳季子算眼前此外皆閒事知我者梁汾耳

又 寄梁汾

木落吳江矣正蕭條西風南鴈碧雲千里落魄江湖
還載酒一種悲涼滋味重回首莫彈酸淚不是天公
教棄置是南華悞却方城尉飄泊處誰相慰 別來

我亦傷孤寄更那堪冰霜摧折壯懷都廢天遠難窮
勞望眼欲上高樓還已君莫恨埋愁無地秋雨秋花
關塞冷且殷勤好作加餐計人豈得長無謂

又再贈梁汾用秋水軒舊韻

酒澆青衫卷儘從前風流京兆閒情未遣江左知名
今廿載枯樹淚痕休泣搖落盡玉蛾金繭多少殷勤
紅葉句御溝深不似天河淺空省識畫圖展高才
自古難通顯枉教他堵墻落筆凌雲書扁入洛游梁
重到處駭看村莊吠犬獨憔悴斯人不免袞袞門前

題鳳客竟居然潤色朝家典憑觸忌舌難剪

又

生怕芳樽滿到更深迷離醉影殘燈相伴依舊回廊
新月在不定竹聲撩亂問愁與春宵長短人比疎花
還寂寞任紅蕤落盡應難管向夢裏聞低喚此情
擬倩東風浣奈吹來餘香病酒旋添一半惜別江郎
渾易瘦更著輕寒輕暖憶絮語縱橫茗椀滴滴西牕
紅蠟淚那時腸早爲而今斷任枕角欹孤館

又慰西溟

何事添悽咽但由他天公簸弄莫教磨涅失意每多
如意少終古幾人稱屈須知道福因才折獨臥藜牀
看北斗背高城玉笛吹成血聽譙鼓二更徹 丈夫
未肯因人熱且乘閒五湖料理扁舟一葉淚似秋霖
揮不盡灑向野田黃蝶須不羨承明班列馬跡車塵
忙未了任西風吹冷長安月又蕭寺花如雪

又 亾婦忌日有感

此恨何時已滴空堦寒更雨歇葬花天氣三載悠悠
魂夢杳是夢久應醒矣料也覺人間無味不及夜臺

塵土隔冷冷清清一片埋愁地釵鈿約竟拋棄 重泉
若有雙魚寄好知他年來苦樂與誰相倚我自終宵
成轉側忍聽湘絃重理待結個他生知己還怕兩人
俱薄命再緣慳剩月零風裏清淚盡紙灰起

瑞鶴仙

兩辰生日自壽起用彈語句并呈見陽

馬齒加長矣枉碌碌乾坤問女何事浮名總如水拚
樽前杯酒一生長醉殘陽影裏問歸鴻歸來也未且
隨緣去住無心冷眼華亭鶴唳 無寐宿醒猶在小
玉來言日高花睡明月欄干曾說與應須記是娥眉

便自供人嫉妬風雨飄殘花藥嘆光陰老我無能長
歌而已

踏莎美人

清明

拾翠歸遲踏青期近香箋小疊鄰姬訊櫻桃花謝已
清明何事綠鬟斜鞞寶釵橫 淺黛雙彎柔腸幾寸
不堪更惹其他恨曉牕窺夢有流鶯也覺個儂憔悴
可憐生

紅窓月

燕歸花謝早因循又過清明是一般風景兩樣心情

猶記碧桃影裏誓三生 烏絲闌紙嬌紅篆歷歷春
星道休孤密約鑒取深盟語罷一絲香露濕銀屏

南歌子

翠袖凝寒薄簾衣入夜空病容扶起月明中惹得一
絲殘篆舊薰籠 暗覺歡期過遙知別恨同疎花已
是不禁風那更夜深清露濕愁紅

又

暖護櫻桃蓋寒翻蛺蝶翎東風吹綠漸冥冥不信一
生憔悴伴啼鶯 素影飄殘月香絲拂綺櫺百花迢

通玉釵聲索向綠窓尋夢寄餘生

又 古成

古戍飢鳥集荒城野雉飛何年劫火剩殘灰試看英
雄碧血滿龍堆 玉帳空分壘金笳已罷吹東風回
首盡成非不道興亡命也豈人為

一絡索

過盡遙山如畫短衣匹馬蕭蕭落木不勝秋莫回首
斜陽下 別是柔腸縈挂待歸纔罷却愁擁髻向燈
前說不盡離人話

又

野火拂雲微綠西風夜哭蒼茫鴈翅列秋空憶寫向
屏山曲 山海幾經翻覆女墻斜矗看來費盡祖龍
心畢竟為誰家築

赤棗子

驚曉漏護春眠格外嬌慵祇自憐寄語釀花風日好
綠窓來與上栗絃

眼兒媚

林下閨房世罕儔借隱足風流今來忍見鶴孤華表

人遠羅浮 中年定不禁哀樂其奈憶曾遊浣花微
雨採菱斜日欲去還留

又 詠紅姑娘

騷屑西風弄晚寒翠袖倚闌干霞綃裏處櫻唇微綻
鞞鞢紅殷 故宮事往憑誰問無恙是朱顏玉墀爭
採玉釵爭插至正年間

又 中元夜有感

手寫香臺金字經惟願結來生蓮花漏轉楊枝露滴
想鑒微誠 欲知奉倩神傷極憑訴與秋擎西風不

管一池萍水幾點荷燈

又 詠梅

莫把瓊花比澹妝誰似白霓裳別樣清幽自然標格
莫近東墻 冰肌玉骨天分付兼付與淒涼可憐遙
夜冷烟和月疎影橫牕

又

獨倚春寒掩夕扉清露泣銖衣玉簫吹夢金釵劃影
悔不同携 刻殘紅燭曾相待舊事總依稀料應遺
恨月中教去花底催歸

又

重見星娥碧海查忍笑却盤鴉尋常多少月明風細
今夜偏佳 休籠彩筆閒書字街鼓已三搗烟絲欲
裊露光微泫春在桃花

荷葉杯

簾捲落花如雪烟月誰在小紅亭玉釵敲竹乍聞聲
風影略分明 化作彩雲飛去何處不隔枕函邊一
聲將息曉寒天腸斷又今年

又

知己一人誰是已矣贏得誤他生有情終古似無情
別語悔分明 莫道芳時易度朝暮珍重好花天爲
伊指點再來緣疎雨洗遺鈿

梅梢雪

元夜月蝕

星毬映徹一痕微褪梅梢雪紫姑待話經年別竊藥
心灰慵把菱花揭 踏歌纔起清鉦歇扇紈仍似秋
期滌天公畢竟風流絕教看蛾眉特放些時缺

木蘭花令

擬古決絕詞

人生若只如初見何事秋風悲畫扇等閒變却故人

心却道故心人易變
驪山雨罷清宵半
淚雨零鈴
終不怨何如薄倖錦衣郎
比翼連枝當日願

長相思

山一程水一程
身向榆關那畔行
夜深千帳燈
風一更雪一更
聒碎鄉心夢不成
故園無此聲

朝中措

蜀絃秦柱不關情
盡日掩雲屏
已惜輕翎退粉
更嫌弱絮爲萍
東風多事餘寒吹散
烘煖微醒
看盡一簾紅雨
爲誰親繫花鈴

尋芳草

蕭寺記夢

客夜怎生過
夢相伴綺牕冷
和薄嗔伴笑道
若不是恁淒涼肯來麼
來去苦怱怱
準擬待曉鐘敲破
乍偎人一閃燈花墮
却對着瑠璃火

遐方怨

欹角枕掩紅窓
夢到江南伊家博山沉水香
浣裙歸晚坐思量
輕烟籠淺黛
月茫茫

秋千索

淶水亭春望

壚邊喚酒雙鬟亞
春已到賣花簾下一道香塵碎綠

蘋看白袷親調馬 烟絲宛宛愁縈挂
賸幾筆晚晴 圖畫半枕芙蓉壓浪眠
教費盡鶯兒話

又

藥闌携手銷魂侶 爭不記看承人處
除向東風訴此情 奈竟日春無語
悠揚撲盡風前絮 又百五韶光
難住滿地梨花似 去年却多了廉纖雨

又

遊絲斷續東風弱 無語半垂簾幙
茜袖誰招曲檻邊 弄一縷秋千索
惜花人共殘春薄 春欲盡纖腰如

削新月纔堪照 獨愁却又照梨花落

茶瓶兒

楊花糝徑櫻桃落 綠陰下晴波燕掠
好景成擔閣 秋千背倚風態宛如昨
可惜春來總蕭索 人瘦損紙
鴛風惡多少 芳箋約青鸞去也 誰與勸孤酌

好事近

簾外五更風 消受曉寒時節
剛剩秋衾一半 擁透簾
殘月 爭教清淚不成冰
好處便輕別 擬把傷離情
緒待曉寒重說

又

何路向家園歷歷殘山剩水都把一春冷淡到麥秋
天氣料應重發隔年花莫問花前事縱使東風依
舊怕紅顏不似

又

馬首望青山零落繁華如此再向斷烟衰草認蘚碑
題字休尋折戟話當年只灑悲秋淚斜日十三陵
下過新豐獵騎

太常引

自題小照

西風乍起峭寒生驚鴈避移營千里暮雲平休回首
長亭短亭無窮山色無邊往事一例冷清清試倩
玉簫聲喚千古英雄夢醒

又

晚來風起撼花鈴人在碧山亭愁裏不堪聽那更雜
泉聲雨聲無憑踪跡無聊心緒誰說與多情夢也
不分明又何必催教夢醒

轉應曲

明月明月曾照個人離別玉壺紅淚相猥還似當年

夜來來夜來夜肯把清輝重借

山花子

林下荒苔道韞家生憐玉骨委塵沙愁向風前無處
說數歸鴉半世浮萍隨逝水一宵冷雨葬名花魂
似柳綿吹欲碎繞天涯

又

昨夜濃香分外宜天將妍媛護雙棲燭影微紅玉
軟燕釵垂幾爲愁多翻自笑那逢歡極却含啼央
及蓮花清漏滴滴莫相催

又

風絮飄殘已化萍泥蓮剛倩藕絲縈珍重別拈香一
瓣記前生人到情多情轉薄而今真個悔多情又
到斷腸回首處淚偷零

又

欲話心情夢已闌鏡中依約見春山方悔從前真草
草等閒看環佩祇應歸月下鈿釵何意寄人間多
少滴殘紅蠟淚幾時乾

又

小立紅橋柳半垂
越羅裙颺縷金衣
採得石榴雙葉子
欲遺誰
便是有情當落日
祇應無伴送斜暉
寄語東風休着力
不禁吹

菩薩蠻

過張見陽山居賦贈

車塵馬跡紛如織
羨君築處真幽僻
柿葉一林紅
蕭蕭四面風
功名應看鏡
明月秋河影
安得此山間
與君高臥閑

又

窓前桃蕊嬌如倦
東風淚洗臙脂面
人在小紅樓
離

情唱石州
夜來雙燕宿
燈背屏腰綠
香盡雨闌珊
薄衾寒不寒

又

朔風吹散三更雪
倩魂猶戀桃花月
夢好莫催醒
由他好處行
無端聽畫角
枕畔紅冰薄
塞馬一聲嘶
殘星拂大旗

又

問君何事輕離別
一年能幾團圓月
楊柳乍如絲
故園春盡時
春歸歸不得
兩槩松花隔
舊事逐寒潮

啼鵲恨未消

又為陳其年題照

烏絲曲倩紅兒譜蕭然半壁驚秋雨曲罷髻鬟偏風
姿真可憐 鬚髯渾似戟時作簪花劇背立訝卿卿
知卿無那情

又宿灤河

玉繩斜轉疑清曉淒淒月白漁陽道星影漾寒沙微
茫織浪花 金笳鳴故壘喚起人難睡無數紫鴛鴦
共嫌今夜涼

又

荒鷄再咽天難曉星榆落盡秋將老檀幕遶牛羊敲
冰飲酪漿 山程兼水宿漏點清鉦續正是夢回時
擁衾無限思

又

新寒中酒敲窓雨殘香細裊秋情緒纔道莫傷神青
衫濕一痕 無聊成獨臥彈指韶光過記得別伊時
桃花柳萬絲

又

白日驚飈冬已半解鞍正值昏鴉亂冰合大河流
茫一片愁 燒痕空極望鼓角高城上明日近長安
客心愁未闌

又

蕭蕭幾葉風兼雨離人偏識長更苦欹枕數秋天蟾
蜍早下弦 夜寒驚被薄淚與燈花落無處不傷心
輕塵在玉琴

又 迴文

霧牕寒對遙天暮暮天遙對寒窓霧花落正啼鴉鴉

啼正落花 袖羅垂影瘦瘦影垂羅袖風剪一絲紅
紅絲一剪風

又

催花未歇花奴鼓酒醒已見殘紅舞不忍覆餘觴臨
風淚數行 粉香看又別空牘當時月月也異當時
淒清照鬢絲

又

惜春春去驚新燠粉融輕汗紅綿撲妝罷只思眠江
南四月天 綠陰簾半揭此景清幽絕行度竹林風

餽方詩集 卷中 五
單衫杏子紅

又

榛荆滿眼山城路征鴻不爲愁人住何處是長安濕
雲吹雨寒 絲絲心欲碎應是悲秋淚淚向客中多
歸時又奈何

又

春雲吹散湘簾雨絮粘蝴蝶飛還住人在玉樓中樓
高四面風 柳烟絲一把暝色籠鴛瓦休近小闌干
夕陽無限山

又

曉寒瘦著西南月丁丁漏箭餘香咽春已十分宜東
風無是非 蜀魂羞顧影玉照斜紅冷誰唱後庭花
新年憶舊家

又

爲春憔悴留春住那禁牛霎催歸雨深巷賣櫻桃雨
餘紅更嬌 黃昏清淚閣忍便花飄泊消得一聲鶯
東風三月情

又

餘力詩集 卷四
隔花纔歇廉纖雨一聲彈指渾無語梁燕自雙歸長
條脉脉垂 小屏山色遠妝薄鉛華淺獨立瑤階
透寒金縷鞵

又

黃雲紫塞三千里女墻西畔啼鳥起落日萬山寒蕭
蕭獵馬還 笳聲聽不得入夜空城黑秋夢不歸家
殘燈落碎花

又

飄蓬只逐驚飈轉行人過盡烟光遠立馬認河流茂

陵風雨秋 寂寥行殿鎖梵唄琉璃火塞鴈與宮鴉
山深日易斜

又

晶簾一片傷心白雲鬟香霧成遙隔無語問添衣桐
陰月已西 西風鳴絡緯不許愁人睡只是去年秋
如何淚欲流

又

寄梁汾茗中

知君此際情蕭索黃蘆苦竹孤舟泊烟白酒旗青水
村魚市晴 柁樓今夕夢脉脉春寒送直過畫眉橋

錢塘江上潮

又 迴文

客中愁損催寒夕夕寒催損愁中客門掩月黃昏昏
黃月掩門 翠衾孤擁醉醉擁孤衾翠醒莫更多情
情多更莫醒

又 迴文

研箋銀粉殘煤畫畫煤殘粉銀箋研清夜一燈明明
燈一夜清 片花驚宿燕燕宿驚花片親自夢歸人
人歸夢自親

又

烏絲畫作迴紋紙香煤暗蝕藏頭字筆鴈十三雙輸
他作一行 相看仍似客但道休相憶索性不還家
落殘紅杏花

又

闌風伏雨催寒食櫻桃一夜花狼籍剛與病相宜鎖
窓薰繡衣 畫眉煩女伴央及流鶯喚半餉試開奩
嬌多直自嫌

醉桃源

斜風細雨正霏霏
畫簾拖地垂屏山
幾曲篆香微閒
庭柳絮飛
新綠密亂紅稀
乳鶯殘日啼餘
寒欲透
縷金衣落花郎未歸

昭君怨

深禁好春誰惜薄
暮瑤階竚立別院
管絃聲不分明
又是梨花欲謝
繡被春寒今夜
寂寂鎖朱門
夢承
恩



